

Adi Škaljić, vijećnik

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
Gradsko vijeće Grada Sarajeva
n/r predsjedavajući, Jasmin Ademović

uputiti: Komisija za izbor i imenovanja Gradskog vijeća Grada Sarajeva

**PREDMET: PRIJEDLOG ZA DODJELU PRIZNANJA POČASNI
GRAĐANIN GRADA SARAJEVA**

Poštovani_e,

na osnovu članova 12, 13 i 14. Odluke o priznanjima i nagradama Grada Sarajeva, Komisiji za izbor i imenovanja upućujem prijedlog da se priznanje Počasni građanin Grada Sarajeva, koja se dodjeljuje građaninu Bosne i Hercegovine koji se naročito istakao u razvoju i promoviranju Grada, unaprijeđenju međunarodne saradnje i očuvanju mira u zemlji i inostranstvu, kao i stranom državljaninu, koji je ostvario naročit doprinos razvoju i afirmaciji Grada, te razvoju međunarodnih i međuljudskih odnosa na načelima solidarnosti, demokratičnosti, humanosti i tolerancije među ljudima; dodjeli pjevaču i velikom prijatelju Sarajeva, Anthonyju Tonyju Cetinskom.

Podnosilac prijedloga – Adi Škaljić, vijećnik

Vrsta nagrade – priznanje Počasni građanin Grada Sarajeva

Kandidat – Anthony Cetinski

Kratka biografija kandidata:

Anthony Tony Cetinski, jedan je od najvećih pjevača regionalne pop scene.

Glazbenik fantastične karijere, koja neprekidno traje trideset i pet godina.

Rođen je 31. maja 1969. u Puli.

Tokom godina, pozornicu je dijelio s najvećim imenima svjetske glazbene scene, poput Jose Carrerasa, Michael Boltona, Montserrat Caballé, Celine Byrne, Placida Dominga, Shakire, Joe Cockera.

Uz neke od najuglednijih svjetskih koncertnih prostora, poput dvorane Royal Albert Hall u Londonu, jedan je od rijetkih koji se može pohvaliti koncertnim turnejama i nastupima u najvećim dvoranama, primjerice, Arena Zagreba, Arena Pula, Štark Arena Beograd, Sava Centar Beograd, Arena Boris Trajkovski Skopje, Zetra, Skenderija Sarajevo, Križanke Ljubljana, te koncertima na stadionima u cijeloj regiji. 2009. godine, prvi je napunio dvije večeri zaredom u Areni Zagreb.

Riječ je o jednom od najtiražnijih glazbenika, a njegovi albumi dostižu dijamantne i platinaste naklade. 2008. za albumom 'Ako to se zove ljubav', primio je dijamantnu ploču, dok je album 'Budi uz mene' iz 2009. godine dosegnuo platinastu nakladu.

Tri desetljeća dugu karijeru obilježio je brojnim albumima, točnije s dvanaest studijskih izdanja i brojnim kompilacijama: 'Srce nikad ne laže' (1990.); 'Ljubomora I' (1992.); 'Ljubomora II' (1993.); 'Ljubav i bol' (1995.); 'Prah i pepeo' (1996.); 'A1' (1998.); Triptonyc (2000.); Live (2001.); 'A sada...' (2003.); 'Budi uz mene' (2005.); 'Tony Cetinski i Prijatelji' (2006.); 'Ako to se zove ljubav' (2008.); 'Live in Arena Pula' (2008.); 'Live in Arena Zagreb - Furia Tour '09' (2009.); 'Da Capo' (2009.), 'The best of Tony Cetinski' (2011.); 'Opet si pobjedila' (2012.) i 'Kao u snu' (2018.)

Tijekom karijere osvajao je najrelevantnija diskografska priznanja, kao i brojne druge nagrade struke te publike. Redovito je među najizvođenijim glazbenicima u radijskom i televizijskom eteru, a niz Tonyjevih nagrada u proteklim godinama, teško je i nabrojati.

Odmah po okončanju agresije na BiH, u razrušenom Sarajevu 1996. godine Tony je snimio je spot za pjesmu "Prah i pepeo", koja je i danas jedan od njegovih najvećih hitova. U ovom spotu predstavljeno je ekstremno razaranje našeg grada, a dijelovi spota su snimani u našoj, tada spaljenoj i razrušenoj Vijećnici. Nakon završetka snimanja Tony i ekipa bili su privedeni i zarobljeni od strane Vojske RS-e te naposljetku razmijenjeni kao ratni zarobljenici na području sarajevskog aerodroma.

Prilog: Saglasnost kandidata



Adi Škaljić

Sarajevo, 6.8.2024.

GRAD SARAJEVO
GRADSKO VIJEĆE SARAJEVO
n/r g. Adi Škaljić, vijećnik

Rovinj, 05.02.2024.

SUGLASNOST

Poštovani,

Želim Vam izraziti zahvalnost i velika mi je čast što ste me predložili za nominaciju priznanja Grada Sarajevo za nagradu "Počasni građanin Grada Sarajeva", te ovim putem dajem svoju suglasnost.

S poštovanjem,

Tony Cetinski

Handwritten signature of Tony Cetinski in black ink.